

दिनांक 11.05.2025

समय: 18.45 बजे

- प्रधानमंत्री नरेंद्र मोदी नुवी दिल्ली मांय रक्षा अर विदेश मंत्री, राष्ट्रीय सुरक्षा सलाहकार अर तीनों सेनाओं रा प्रमुखां रे साथै बैठक करीं
- प्रदेश रा सीमावर्ती खेतरां मांय हालात धीरे-धीरे सामान्य-बाजार खुल्या-रेल सेवावां बहाल हो री है
- रक्षा मंत्री राजनाथ सिंह लखनऊ मांय ब्रह्मोस एयरोस्पेस परीक्षण सुविधा रो उद्घाटन कर्यो
- आज राष्ट्रीय प्रौद्योगिकी दिवस माथे राष्ट्र वैज्ञानिकों, इंजीनियरों अर तकनीशियनों रो योगदान याद कर रह्यो हैं
- प्रदेश मांय केई ठौड़ां माथे आंधी बिरखा रो दौर जारी-कुछ एक ठौड़ां माथे ओळा पड़णे रा समचारं

000

प्रधानमंत्री नरेन्द्र मोदी ने आज नुवी दिल्ली थापित आप रे आवास माथे एक उच्च स्तरीय बैठक करीं बैठक मांय रक्षा मंत्री राजनाथ सिंह, विदेश मंत्री सुब्रह्मण्यम जयशंकर, राष्ट्रीय सुरक्षा सलाहकार अजीत डोभाल, रक्षा प्रमुख जनरल अनिल चौहान, थल सेना प्रमुख जनरल उपेंद्र द्विवेदी, नौसेना प्रमुख एडमिरल दिनेश त्रिपाठी अर वायुसेना प्रमुख एयर चीफ मार्शल अमर प्रीत सिंह मौजूद हां आ बैठक काले दोन्यू देशां रा सैन्य अभियान महानिदेशकां रे एक-दूजे सूं बात करणे रे पाछे संघर्ष विराम रा मद्देनजर व्हीं दोन्यू देशां रा अ अहलकार काले फ़ैरू बात करण वाळा हैं भारत अर पाकिस्तान रे बीचे उपज्या तनाव रे पाछे प्रदेश रा सीमावर्ती इलाकां मांय हालात धीरे-धीरे सामान्य हो रह्या हैं बाड़मेर, जैसलमेर, जोधपुर, बीकानेर, श्रीगंगानगर, फलोदी, अर हनुमानगढ़ समेत केई शहरां मांय बाजार खुल्या हैं वठिने बाड़मेर ज़िला रा के सेडवा उपखण्ड मांय एहतियात रे तौर माथे आज सिंज्या 5 बजे सूं बाजार बंद राखणे अर सिंज्यां 7 बज्यां सूं ब्लैक आउट रा हुकम करी ज्या हैं

वठिने जोधपुर मांय आज जिला प्रशासन ब्लैक आउट नी राखणे रो निर्णय कर्यो है और ब्यौरो म्हाणा खबरनवीस सूं-

.....

रेलवे भी रद्द की गई 16 ट्रेनों ने फ़ैरू चलाणे रो हुकम जारी कर्यो हैं जद की 11 ट्रेनों ने आंशिक रूप सूं बहाल कर्यो ग्यो हैं ये सगळी ट्रेनों आप-आप रे तैय ठेशनां सूं तय तारीखां मांथे ई चालेलीं इण बीच, भारतीय सशस्त्र बल किणी भी स्थिति सूं निपटणे खातर पूरी तरह ऊं सावचेत हैं आम नागरिकां सूं भी सतर्क रहणे अर किणी भी संदिग्ध गतिविधि री तुरंत सूचना देणे री अरज करीजी हैं

000

रक्षा मंत्री राजनाथ सिंह कह्यो है की ऑपरेशन सिंदूर महज़ सैन्य कार्रवाई नी है, बल्कि भारत री राजनीतिक, सामाजिक अर सामरिक इच्छा शक्ति रो प्रतीक हैं आज लखनऊ मांय ब्रह्मोस एयरोस्पेस इंटीग्रेशन एण्ड टेस्टिंग फेसिलिटी रो वर्चुअल माध्यम सूं उद्घाटन करता थकां रक्षा मंत्री कह्यो है की इण ऑपरेशन सूं आतंकवाद रे खिलाफ़ भारत री दृढ़ इच्छा शक्ति अर सैन्य शक्ति रो पतो चाले हैं रक्षा मंत्री कह्यो की सरकार आतंकवाद रे खिलाफ़ जीरो टोलरेंस री नीति अपणाई हैं श्री सिंह कह्यो के ब्रह्मोस एयरोस्पेस इंटीग्रेशन एण्ड टेस्टिंग फेसिलिटी सूं देश री मारक शक्ति बढ़ेलीं वणा कह्यो कि आज राष्ट्रीय टेक्नॉलाजी दिवस माथे इण सुविधा रो सरू होणो खास रूप सूं घणो महत्त्व रखे हैं वणा वैज्ञानिकां ने इण रे खातर बधायी दीं

.....

000

आज राष्ट्रीय प्रौद्योगिकी दिवस हैं बसर 1998 मांय आज ही रे दिन भारत जैसलमेर रा पोखरण मांय परमाणु बम रो सफल परीक्षण कर्यो हैं ओ दिन देश री प्रगति अर विकास मांय प्रौद्योगिकी री खास महती भूमिका याद दिलावे हैं पैली आळा प्रधानमंत्री अटल बिहारी वाजपेयी अर मिसाइल मैन डॉ. ए.पी.जे. अब्दुल कलाम रे कुशल नेतृत्व मांय पोखरण मांय ओ परमाणु परीक्षण सफलतापूर्वक पूरो व्ह्यो हों आ ऐतिहासिक उपलब्धि भारत ने परमाणु शक्ति सम्पन्न राष्ट्रां री श्रेणी मांय प्रतिष्ठित कर्यो अर देश री रक्षा खमतावां ने अभूतपूर्व मजबूती प्रदान करीं इण मौके माथे आज विज्ञान और प्रौद्योगिकी राज्य मंत्री जितेन्द्र सिंह ने नई दिल्ली मांय विज्ञान अर प्रौद्योगिकी मेहकमां री कानी सूं राखीज्या इण कार्यक्रम मांय भाग लियों वणा एक रक्तदान शिविर रो भी उद्घाटन कर्यो इण मौके माथे श्री सिंह कह्यो के राष्ट्रीय प्रौद्योगिकी दिवस पोखरण परीक्षण री सफलता याद दिलावे हैं वणा कह्यो के प्रधानमंत्री नरेन्द्र मोदी शासन मांय लारला एक एक दशक मांय विज्ञान नवाचार अर प्रौद्योगिकी रा खेतर मांय बहुत विकास व्ह्यो हैं वणा कह्यो के सरकार विज्ञान अर प्रौद्योगिकी सूं जुड़योड़ा शोध ने बधावो दे री हैं

000

उधमपुर मांय वीरगति ने पूग्या झुंझुनूं रा मेहरादासी गांव निवासी वायुसेना मांय असिस्टेंट मेडिकल सार्जेंट सुरेंद्र कुमार री आज वां रे पैतृक गांव मांय सैन्य सम्मान रे साथै अंत्येष्टी करीजीं इण सूं पैल्या वाणे सम्मान मांय तिरंगा यात्रा निकाली जी इण मौके माथे हजारों लोग मौजूद हां उपमुख्यमंत्री डॉ. प्रेमचन्द बैरवा, सामाजिक न्याय अर अधिकारिता मंत्री अविनाश गहलोत, उद्योग मंत्री कर्नल राज्यवर्द्धन सिंह राठौड़ अर नेता प्रतिपक्ष टीकाराम जूली साथै केई जनप्रतिनिधि अर अहलकार अंतिम संस्कार मांय भेळा व्ह्यां श्रीराज्यवर्द्धन राठौड़ मीडिया सूं बातचीत मांय कह्यो के शहीदां रे पिरवारों ने भी सलाम करणो चाहिजे वां रे साथै पिरवार भी बलिदान देवे हैं

इस रे चालता उपमुख्यमंत्री प्रेमचन्द बैरवा अर दूजा मंत्री राज्य सरकार री कानी सूं पांच लाख रूप्या री सहायता राशि रो चैक शहीद वीरांगना सोप्यों

000

सवाईमाधोपुर रा रणथम्भौर बाघ अभ्यारण्य मांय आज बाघ रे हमले सूं वन विभाग रा रैंज ऑफिसर देवेन्द्र चौधरी री मौत व्हे गयीं वन मेहकमा सूं मिली जाणकारी रे मुजब जोगी महल रे कने देवेन्द्र माथे हमलो कर्यो बाद में वनकर्मी देवेन्द्र ने सफाखाना पूगायो जठे वा ने मृत घोषित कर दियों

000

प्रदेश मांय सक्रिय पश्चिम विक्षोभ रे असर सूं न्यारी-न्यारी जगावा माथे आंधी-बारिश रो दौर जारी हैं घणखर ठौड़ां माथे दिन रो तापमान 36 डिग्री रे आसे-पासे बण्योड़ो हैं मौसम मेहकमां रे मुजब लारला चौबीस घंटां मांय सब सूं बत्ती 40 दशमलव 4 डिग्री सेल्सियस तापमान बाडमेर मांय दर्ज कर्यो गयो हनुमानगढ़ जिला मांय आज आंधी रे साथै हल्की बिरखा व्ही जिण सूं लोगां ने गर्मी सूं थोडी घणी राहत मिलीं वठिने श्रीगंगानगर जिला मांय दोपहरां केई ठौड़ा माथे तेज बारिश रे साथै ओळा पण्ड्यां मौसम मेहकमां रे मुजब राज्य रा कुछ एक हिस्सा मांय आवता दो-तीन दिन दोपहरा पाछे कठे-कठे बादलगरजणे रे साथे हल्की सूं मध्यम बिरखा होणे री आस हैं वठिने राज्य रा पश्चिमी खेतर मांय 13 मई अर पूर्वी राजस्थान मांय 14 मई सूं घणखर ठौड़ां माथे आंधी-बिरखा री गतिविधियां मांय कमी आवण री आस हैं

000